

泰和縣志卷二十二

吉安府泰和縣知縣高陽冉棠重輯

人物志七

列傳

明

張時謹

歐陽誥

李穆

歐陽塾

歐陽乾元

王宗尹

王宗徐

劉逢愷

泰和縣志

卷二十二 人物

列傳

一

曾于拱

歐陽烈

王如瓚

乾子一

王託

胡直

郭子章

楊寅秋

楊寅冬

馬象乾

曾汝召

蕭基

楊嘉祚

溫泉

蕭士瑋

弟士瑀  
士瑗

康承祐

高應崗

父中賢

曾珪

父任  
卿

周克凝

蕭廷對

曾裕

楊仁愿

曾大奇

蕭子建

羅惟善

廖應宣

彭靄

曾世忠

李之梁

羅守鑑

龍嘉震

李時獻

康穀

國朝

梁天爵

童

劉徵廉

曾孟良

王愈擴

王愈融

歐陽士鈞

蕭伯升

陳邦祥

劉澍

楊履芳

彭烜

郭林

梁弓

蕭士芊

蕭道邇

文慕道

蕭集親

曾應選

劉光秀

梁機

梁琮

劉自越

張時謹字梅巖秀溪人性穎敏弱冠時著有春秋要旨  
登成化二年進士授興寧令有賢聲調耒陽令政修  
民化將擢為御史以沂州守缺其地歲飢盜起亟需

泰和縣志

卷二十二

人物

列傳二

良牧命時謹補之加意撫綏流離來歸卒於官所著

有梅巖集

康熙志

歐陽誥字賜之蜀江人宏治十五年進士授南工部主  
事遷文選司郎中擢金華守有惠政會御史按郡務  
深刻立譽為辯不應死者數人忤意調漢陽至則首  
禁楚府官校奪民湖利曾築湖堤捍禦土人名歐公  
堤陞山東鹽運使子塾既登第遂致政歸居家三十  
餘年置義田立家約捐渡闕衢施藥埋骼既卒鄉里

德之

萬歷志

李穆字元載以虎賁左衛軍餘中應天府鄉試任南樂縣訓導所著有寄寄集八十卷寄寄其自號也又輯泰邑志十四卷同邑尹直羅璟為序宏治志

歐陽塾誥子字宗儒登嘉靖五年第為刑部主事改禮部歷陞應天府尹曾議賑飢民疏奏未報罄發公廩便宜借貸活人甚多秩滿乞歸用薦超陞工部右侍郎踰年以丁繼母憂歸平日慕羅整菴欽順之為人卒贈右都御史萬歷志

按塾通志作塾宗儒府志作崇儒

泰和縣志

卷二十二

人物

列傳

三

歐陽乾元蜀江人御史雲之子以嘉靖元年鄉薦為廣德知州歷河間同知持躬廉靜官至刑部郎子昌為邑諸生受學羅文恭洪先之門廓達有志節府志

王宗尹字商甫南富人少喪父甚貧與其兄謀曰兄為小鬻販我為童蒙師資以養母領嘉靖九年鄉薦絕跡公門約同志創書院以居四方學者初通判杭州攝錢塘篆值歲凶貸粟富室設廠分賑或勸引嫌宗尹曰吾為民救死安計毀譽同列中果有嫉之者□以飛語適遷泗州守去御史聽嫉者言疑其事上於

之每語弟子曰我生平雖不得大用然或無甚愧  
於人蓋得師友之力大納謙抑謹慎之意多責人  
望人之意少則遠大可到時稱為名言

曾子拱字思極嘉靖二十年進士授工部主事進郎中  
歷副使叅政左右布政使擢副都御史總督糧儲致  
仕其在閩也當倭寇訐諸道兵雲集于拱蒿目焦思  
百計取盈士各宿飽嘗言平賦均徭莫善條鞭弭盜  
安民莫善保甲所至必舉行之有文集若干卷

分省人物

考

泰和縣志

卷二十二

人物

列傳

五

歐陽烈字懋之蜀江人嘉靖舉人授松陽安邱二縣學  
擢工部主事會蘆溝橋圯特資專理進虞衡員外郎  
兩奉璽書督理河道築堤通漕民皆稱便遷高州太  
守平賦役謹旱澇釋繫囚薄追贖招復逋亡白民冤  
獄醫藥濟困輯禮齊民士習翕然丕變後姪餘慶復  
守是郡耆民猶述其德政著有格菴文集

新志

王如瓚字子薦南富人嘉靖丁酉舉人任淮安同知尋  
改蘓州先後攘却倭寇功稱最而解常熟之圍奏大  
倉之捷尤其難者進工部郎中出守廉州省徭役

姦蠹清田文修學宮民甚德之歸後家具蕭然敝廬  
數椽服御飲食若布衣所著有星岡別錄讀史纂要  
子一乾隆慶五年進士歷官浙江布政終應天府尹  
亦以清介著

新志

王託字有訓埶街人文端公直之後弱冠聞王守仁良  
知之旨深契於心嘗就質桐江謁羅洪先師事之又  
與羅欽順歐陽德胡直交相討論得學正宗伯暉無  
嗣託繼之前後八九喪致哀盡禮稱為純孝

康熙志

胡直字正甫義禾人自少好讀古書師事歐陽德羅洪

泰和縣志

卷二十二

人物

列傳

六

先嘗曰自捉髮時好攻文辭既壯有子雲悔少之嗟  
直指獨知二字為入德慎修之地其見性如此嘉靖  
丙辰成進士授刑部主事時嚴嵩柄政以同鄉欲引  
為重直不應出僉湖北為叅議督學四川尋乞歸著  
閉關錄翊全錄太虛軒稿求仁志鞭後錄困學日記  
補過日錄衡廬精舍詩文學者稱廬山先生郭子章  
廖同春鄒元標皆出其門

康熙志

按通志直初授比部主事出為湖廣僉事晉四川  
泰議尋以副使督學正請告歸詔起湖廣督學移

廣西叅政廣東按察使疏乞終養起福建按察□  
卒於官年六十九與此互異

郭子章字相奎冠朝人隆慶三年由恩貢舉順天登辛  
米進士授建寧府推官輿過峻嶺有一猿號冤甚哀  
指其處發掘得屍按治之人稱神明為潮州知府驅  
獨鬼著有異政督學四川文習丕變歷浙江叅政山  
西按察使皆有異績陞任湖廣福建布政予告歸時  
播酋楊應龍恃功驕蹇不法糾苗倡亂蜀黔楚三省  
望風摧陷命子章以副都御史巡撫貴州同總督李

泰和縣志

卷二十二

人物

列傳

七

化龍舉用劉鋌為提督屢出奇制勝是時餉詘不繼  
黔亂無民可派借楚蜀閩餉數十萬皆子章經畫賊  
東破重安遂圍興隆子章發鎮筸及貴陽兵救援賊  
兵始退後又寇龍泉子章任楊惟中為部司卒得其  
力誓師進討檄數應龍十大罪設壇北門集文武將  
吏士漢官兵而告以文忠憤感激人思自効左監軍  
楊寅秋本同邑人乃□同心一力期必滅賊進圍海  
龍圍克之應龍自經死妻子惡黨盡獲俘斬無筭於  
是李化龍上露布表子□第□先是安酋與楊酋世

姻聲勢依倚衆皆疑安氏為□□併□之子章欲慰  
安安氏心使為朝廷用故廷臣疏子章為總督而上  
仍用為巡撫必得功而安酋始無患也貴陽兵後大  
飢死徙甚衆乃疏請湖廣長衡彬等府州縣欠協濟  
貴州糧銀七萬八千餘兩於內准發賑濟民賴以甦  
其後播逆餘黨有皮林及遵義有吳洪平越有路苗  
皆子章蕩平前後叙功加太子少保兵部尚書子襲  
錦衣衛志府

泰和縣志

卷二十二

人物

列傳

八

南胡廬山鄒南臯講學於青原白鷺之間主於倡  
明正學宦蹟所至隨地著書燕閩晉粵蜀浙吳楚  
皆有草及平播錄易解行世又有豫章大記一百  
卷

楊寅秋字義叔士奇七世孫萬歷癸酉舉於鄉明年成  
進士仕東莞令秩滿行取授雲南道御史疏免南海  
餉數萬又疏罷吏部尚書王國光舉朝憚之出為浙  
江僉事督水利監屯時倭寇掠寧波寅秋遏之海岸  
遷貴州叅議分守新鎮值答干苗阿奇等劫掠屯堡

寅秋誘斬之而撫阿傍阿斗等諸苗悉靖陞雲南副使丁改土夷補應春等猖獗寅秋率叅將鄧子龍提兵擊之斬首數千級降其衆應春伏誅而丁改平尋補廣西副使備兵左江五山峒苗韋成集諸峒四出劫掠一鼓斬之并殲其黨高南黎莫二酋搆兵各遣使叩闕寅秋曰莫逐黎為篡弑黎逐莫為恢復今計毋拒黎欸毋斬莫祀其可乎疏聞上許之寅秋與黎期登昭德臺設幄召黎王維潭諭之曰莫祀未可斬也其處以高平毋相侵遣使進欸上封黎爵賜寅秋

泰和縣志

卷二十二

人物

列傳

九

進階一級用是全活數十萬人黎人感德廟祀左江父老亦崇祀於邕又北陀獐首黃朝田等糾衆肆叛上命進兵寅秋撫勦並用次第伏辜會播酋叛即擢貴州按察使與巡撫郭子章協力刻期殄滅播州宣慰安隴澄願效前驅寅秋率師繼進督戰圍下凡四十日屢戰屢捷奪鳳凰山破土城月城應龍死賊平以疾告休抵家卒贈太僕寺正卿廕其孫學恭所著

有臨臯集

康熙志

楊寅冬字貞淑寅秋弟邑水暴漲寅秋未葬棺被漂沒

寅冬抱棺隨流上下得舟人救乃免年九十三而卒  
遺命將孝經一卷殉葬著有白雲篇存古錄興孝編

歷代史彙

康熙志

馬象乾南溪人本姓曾即學士彥之曾孫幼孤而貧育  
於廣東連州馬元東家中經魁登萬歷五年進士由  
翰林改御史與何出光等劾論大監張鯨等竊權納  
賄并叅申許王三閣臣阿縱失職連章抗疏名震西  
臺又因星變進諫力陳修省巡按山西以病告歸奉  
旨復姓并封所生之親

康熙志

泰和縣志

卷二十二

人物

列傳

十

曾汝召字棠棐萬歷二十九年進士出宰吳縣陞兵科  
給事中立朝正色不避權貴時魏璫恣肆抗疏進諫  
遂撻其怒削籍歸里後逆璫被誅進太常寺卿

康熙志

蕭基萬歷三十八年進士以諫垣論事忤逆璫出為巡  
海道副使崇禎元年閩盜攻昌國石蒲爵溪諸處基

親督兵破之賊遂遁郡境無虞

浙江名宦志

楊嘉祚字邦隆寅秋仲子舉萬歷丙辰進士初任兵部  
主事出為揚州知府會邊疆失守維揚震驚嘉祚日  
夜調度巡視壁壘撫定居民數月稱治適白蓮寇發

復設備以待賊懼宵遁時魏闔黨崔呈秀巡淮楊索賂數千金嘉祚力拒之適臺臣交薦遷廣西副使備兵左江交南負固貢復絕嘉祚馳檄責讓遂欵關請服嘉祚出受降城納欵勒盟而還論功進秩而呈秀憾未已被譖奪職崇禎朝復官力辭不起築室西郊曰無伴塢結茅玉華曰莖草龕素善真行書筆法遒勁而墨竹尤工所著有廣陵濤諸經論解

康熙志

按康熙志又稱交南負固嘉祚父寅秋綏來納貢交人廟祀之未幾復絕至嘉祚申盟納欵黎感之

泰和縣志

卷二十二

人物

列傳

十一

並祀於廟

溫泉武溪人同巡檢劉茂勦程鄉賊寇死於陣與茂同祔祭副使汪一中祠同時又有匡元滾文溪人汪一中戰死縣令楊應東被困馬纓岡元滾率衆赴援潰圍奪令歸賊始遁

新志

蕭士瑋字伯玉河南郡丞一傑之子幼而英越目光炯炯讀書十行俱下登萬歷丙辰進士仕行人崇禎初冊封秦藩再命使琉球請辭謫光祿典簿出為府僚尋改評事轉禮部主事遷吏部自文選歷考功進光

祿少卿拜太常寺卿嗣因染恙辭疾歸里闢春浮園  
闡大乘起信所著有春浮園集

康熙志

按府志稱士瑋為南禮部主事江寧諸僧寺習為  
浮兢詩酒紈袴轉相慕效士瑋一繩於法風度簡  
遠為園於柳溪選石置亭極林泉之勝閉戶著書  
未嘗一接雜賓弟士瑀士珩皆好學能文通志士  
瑋入 國朝人物內

康承祐字啟祥七歲給水拾薪以供母爨一日抱瓮行

泰和縣志

卷二十二

人物

列傳

十二

汲墮深池中母聞號泣謂必溺死少頃若有物負之  
而出又大雪入山掃葉遇虎以所持竹竿格虎虎繞  
匝而去長從胡直游以教為業

康熙志

高應崗隨父中賢仕燕任滿歸過濟寧父為寇執應崗  
大呼曰老父薄官囊無一錢賊欲殺其父應崗以身  
蔽父泣曰寧殺我竟死賊刃父獲免

康熙志

曾珪字信玉邑西人父任卿遊贛忘歸母匡氏遣珪尋  
父遇於橫浦山中給以先回我當後至馳歸報母母  
曰彼授異人術必不歸矣如期往果已他適不知所

之珪擔簦躡屩遍尋不得乃刻木像斷指塗血得置  
諸懷匡氏堅持苦節歷久不渝年八十有一發疽而  
死珪哭泣廬墓時旌其孝

康熙志

周克超字子卓天性孝友父歿守殯隣火災延超扶柩  
號泣誓與俱焚燎鬚髮毀左目而不去湏臾風返得  
以保屋遠近歎為孝子萬歷間崇祀建坊

康熙志

蕭廷對字觀我鳳岡人萬歷間以舉人授助教出守石  
屏政尚寬平操守廉潔重農築堰置三社倉儲粟備  
荒興學課士創立東南北三城樓後祀名宦

雲南名宦志

泰和縣志

卷二十二

人物

列傳

十三

曾裕字升伯匡原人巨鼻豐髯倜儻不群天啟四年領  
鄉薦崇禎七年授應天高浮諭擢成都郫縣兼攝灌  
縣事郫灌當獻賊之後公廨民居盡遭劫火裕至修  
署建學招集流離漸次成邑先是江堰潰六州二十  
五縣皆罹其害裕攝灌經營修築以瀦滙決民甚德  
之宋時裕祖安強提舉成都嘗平決灌水民懷其惠  
作均水記數百年後裕復踵其事會逢國難以一令

終時論惜之

康熙志

楊仁愿字内美二歲喪父承母訓力學成名由崇禎進

士授大理評事陞御史出巡兩淮清稅蘓困歷有政績初名學愿因惡宋時楊愿柔媚奸險疏改仁愿云

康熙志

曾大竒字靖甫匡原人自幼好挾刀劍入山逐獸又喜撩灑水族年十七始發憤破產購異書讀之曉夜忘疲三十始游庠時方為骫骳之文而大竒倡明正學士咸宗之然試輒不利竟厄一第晚築溪園肆力詩古文所著有通翼篇行世遺稿續易解詩文雜著子文饒字堯臣有文名著有浣花小品

康熙志

泰和縣志

卷二十二

人物

列傳

十四

蕭子建字繡虎為人溫醇澹樸若不能言語忠孝大節慷慨激昂厄於科名以明經老與曾文饒堯臣康范生小范歐陽友竒無竒合社齊名陳列經史證論得失所著有介園集

康熙志

羅惟善字淑士文莊公欽順之後年十二赴郡試命作適周問禮論援筆立就郡守竒之好學博物負笈問竒者踵至生平慎然諾寡言笑惟願樂見善人樂聞善事樂道善言樂行善願因號四樂性喜梅有梅花百韻又喜蘭取古詩騷辭詠蘭者置案上自號友蘭

所著有綱目發明補養正齋蒙談易經爻象證醒世箴言子懋章與廬陵張貞生友善有文名康熙志

廖應宣崇禎歲貢官南城教諭 大兵克建昌宣抱印明倫堂端坐不屈亂矢入胸帶鏃而死縣冊

彭靄月池人邑庠生大學士楊廷麟辟為推官守贛州狗難死縣冊

曾世忠大學士楊廷麟辟為贛州後營守備奉令守勇軍門丙戌年十月遇 大兵克贛州城破世忠身中五矢僵立不仆爭前執之乃知已死縣冊

泰和縣志

卷二十二

人物

列傳

十五

李之梁文溪人明季死難贛州與彭靄同投清水塘縣冊

羅守鑑死難虔州與彭靄同投清水塘著有皇極考醉

吟樓集

縣冊

龍嘉震甘竹人崇禎壬午舉人授中書閣部楊廷麟監軍萬元吉守贛時辟為叅議城陷楊萬並死嘉震殉焉初母王氏病劇嘉震刲股和羹飲母病尋愈中丞林一柱表其門曰孝梅重馥至是死節忠孝錄

李時獻字自得文溪人博通經史善書法工詞賦手錄綱鑑正史二十冊以涑水紫陽為宗陳眉公繼儒稱

為史學善本作文序之有欲薦舉者力避不就自號  
玉峯著有晚芳園集子有先字伯開與父齊名有西

溪集

康熙志

康穀字甫田文溪人嘗勸富民設粥賑飢於心田寺由  
選貢授永豐訓導陞翁源知縣會甲申之變棄官隱

山自號大歇老人所著有書經註疏

康熙志

國朝

梁天爵字世臣幼警敏從父邑廩維楨刻苦向學通諸  
子百家兼工行草他邑爭延為師及門者多知名士

泰和縣志

卷二十二

人物

列傳

十六

順治乙未歲貢例授司誠辭不就

童 字楚白歙溪人績學好文五經皆有解以貧教  
授四方早死子尚幼遺書散失後為僧名興賢得父  
所著禹貢圖說於盱江梅氏執書大慟曰父賚志死  
吾又且為僧何以令吾父有傳於是校刻行世寧都  
魏 為之序

劉徵廉字季頑學巷人領鄉薦由揀選出宰獻縣愛民  
育士却金平獄賑飢民修縣志卓然有聲陞兵馬司  
遷光祿署正兄徵孝字孝若天性孝友弱冠即負盛

名與章羅陳艾締為文社而大士尤加推重著有口

文榴園集

康熙志

曾孟良石陽邳人其父覆舟溺死撈屍不見孟良斬其  
一指投江以祭遂湧出父屍母卒廬墓三年知縣張

尚善旌其門

康熙志

王愈擴字若先梅岡人登康熙庚戌進士以能古文明  
於時 相見於富田推為湖西一人嘗遊

金蓮山與寧都魏

避兵雲塢著有竹亭集禧為之

序

泰和縣志

卷二十二

人物

列傳

十七

按愈擴別字鶴林後客死滇中所著竹亭集魏

稱其大小修短各有意思不苟作尤長於論古  
人

王愈融字侶薪愈擴弟補弟子員壬子冬從

於

谷村繼又於水雲菴中與魏 議論累日夜學益大

進愈擴客死滇訃至愈融悲悼不自勝日鬱鬱致成  
疾竟卒所著詩古文與愈擴並刻為瑞竹亭合稿

按

稱二王兄弟之文並皆絕去雕繪獨抒

性情而未嘗不參以古人之法其書序傳記雋口

淡折其衡論往古精切透亮後遭寅卯藩變板燬  
無存建昌梁份與侶薪同學彭魏之門曾抄錄其  
兄弟遺稿數百篇以付侶薪子元坤重刻元坤為  
邑諸生亦能世其家學

歐陽士鈞字陶先蜀江人居家孝友為諸生二十餘年  
足不履城市性恬靜寡言笑操履一準古道人咸以  
端士推之數躡場屋情淡如也築習靜軒日讀書其  
中嘗謂用情必求根本之地為學必參性命之原著  
述甚富未五十卒人咸惜之

新志

泰和縣志

卷二十二

人物

列傳

十八

蕭伯升字孟舫士瑋從子性豪俠所交多名下士官會  
昌教諭嘗割田飯獄代銀完糧鄉里義之

新志

按魏稱士瑋孝友於家為邑人興除大利  
數十年不倦

陳邦祥字常吉柳溪人康熙庚戌進士善古文著有松

菴集

首山  
偶集

劉澍字叔道以古文著稱有陶湖泛月記

首山  
偶集

楊履芳字草臣寅秋曾孫邑文學生平砥礪廉隅博極  
群書尤研心理學達悔吝之旨嚴善利之分晚年讀

書□沂精舍著有自勉錄

志新

彭烜號儉菴桃源人歲貢生少有俊聲家貧力學持躬厚□教洽南贛諸郡遊其門者多為聞人所著有白下文獻通考二十卷西昌軼事二卷禮記制中玉尺

堂文集

志新

郭林字入回均頭人孤介絕俗有潔癖終身不娶避地居贛之七里鎮製葛帷讀書其中冬不爐夏不扇多識累朝舊事編纂甚夥同時安福吳雲以詩名少叅施閨章重此二人目為一狂一狷葺白鷺書院課諸

泰和縣志

卷二十二

人物

列傳

十九

士延林為主席

志通

梁弓字檀子幼慧十歲能屬文稍長博涉經史康熙己酉領鄉薦己未成進士選庶吉士改兵部武庫司主事贊畫戎機多所裨益大司馬社臻竒甚才薦為富新倉監督弓曉夜持籌國課不耗年六十乞休家居杜門不出所著有快軒偶吟一卷林一亭集四卷子三楣舉人有文行次機進士次棫舉人

志新

蕭士芊字次萬圭塘人父孔錫寅卯間禦寇被戮士芊年甫八齡哀痛如成人隨母胡氏逃難途遇寇胡義

不受污寇以劍臨之士芊哭抱引頸求代寇義而釋  
之母沒廬墓三年雍正十二年旌又孝子尹汝槐雍  
正六年旌王培具雍正七年旌

新志

蕭道邇灣溪人生三歲母羅氏亡舅楚書撫之稍長每  
追感亡母輒出哭墓次里中呼為墓哭子及楚書夫  
婦相繼歿擗踊喪葬如禮父汝杰垂白在堂歸視寢  
膳事繼母周得其歡心父病瘡以舌舐患處不數日  
即愈後父病卧三年左右侍湯藥常衣不解帶比父  
沒哭不絕聲聞者歎曰此又蕭孝子哭墓也乾隆二

泰和縣志

卷二十二

人物

列傳

二十

年旌又孝子蕭策竒陳有奎亦乾隆二年旌

新志

文慕道字仲達坵岡人六歲父沒依母龍氏成立母沒  
廬墓三年康熙六十一年壽官乾隆四年旌子在朝  
亦以廬墓著又孝子歐陽暉亦乾隆四年旌

新志

蕭集親安平人賈於楚聞母病兼程奔歸母尋卒廬居  
墓側數有虎繞而號卒不害乾隆十年旌又康集廉  
性孝友讓產推財同時被旌

新志

曾應選下澤人父惟嘉病目幾盲應選日舐去翳障久  
之得復明母患痿痺應選侍湯藥左右扶掖垂兩載

無倦意母卒廬居墓側所著有易經講義乾隆七年

旌新志

劉光秀東岼人事孀母唯謹母病篤光秀百計求醫祝天願減己算一紀母疾稍痊後疾復作不起號痛欲死肖像祀于堂哀慕終身如一日乾隆八年旌新志

梁機字仙來弓次子登康熙辛丑進士選庶吉士出為文水令改教官乾隆元年大學士朱軾薦舉博學鴻詞當事屢延請豫章書院掌教著有三華集

梁琮字友璋邑廩生為文有奇氣好引掖後進所造十

泰和縣志

卷二十二

人物

列傳

二十一

多知名子欽雍正庚戌進士新志

劉自越字衍藜少失父母依王母余以養長補邑弟子員性嗜古文詞不治生業

泰和縣志卷二十二終